



AR GARANTIE VII



LAN

ha


DISKAN

Ar Garantez Vil


Ton savet e Pleiben war-dro 1880 ha kanet gant
an Itron Toullec eus Keraez (Kerne)

Komzou dastumet gant
Albert TREVIDIC

Ton dastumet gant
Polig MONJARRET



Gwechall pa oan-me bihan, me'm boa Klevet laret.



C'houi paotred bezit' ta fur, pa tit da glask merc'hed

I
Gwechall pa oan-me bihan, me 'm boa klevet laret (1) :
« C'houi, paotred, bezit' ta fur, pa 'tit (2) da glask merc'hed.

II
N'it ket da glask ar re vrao, nag ar re gwall faro,
Rak alies ouz o heul 'vez troiou divalo. »

III
Me 'm boa gwelet eun (10), eur wech, a oa bet gwall dapet,
Dont da glask eur plac'hig koant, evitan da bried.

IV
Met hennez 'vije trompet (3) koulz d'an noz 'vel d'an de (4)
Rak ar seurt-se 'vit o zud, n'o deus ket karante.

V
Breman me 'ray eun droiad, da welout me 'gavo,
Kendalc'h a rin-me da glask, dre an holl pardonio (5).

VI
Kon am bo kavet unan a vo d'am faltazi
Biken plac'h yaouank re goant ne zin (2) da frekanti (6).

VII
Erru eo fin ar pardon, c'hoaz n'em eus ket kavet
Setu aman unan just (7) diouz a-greiz oan laret (8).

VIII
Harpet ouz mur (9) ar vered, 'vel eur plac'h sebezet
Laret (1) 'vefe eun (10) varo diouz ar vered savet.

IX
He c'hoef 'oa 'kreiz he bizaj (11) 'vel eur plac'h koz kant vloaz,
Ha hi, ya, me a oa sur, n'he deus ket ugent vloaz.

X
Dre ne welen den ebet o kaozeal outi,
Me 'gemer hardizegez ha mont d'he saludi.

XI
« Ha rak-se 'ta plac'h yaouank, me 'lavaras dezi,
C'houi 'pefe ar vadelez da bourmen ganin-mi (12)

XII
Hag evit gwelout hag-hen, (13) 'zigouefe hor sonjou,
Marteze 'vefe moien (14) d'eomp d'ober marc'hajou. »

XIII
Hi a respontas d'in-me gant muzellou tronset :
« Ne gredan ket den yaouank, 'peus c'hoant da gaout merc'hed. »

XIV
Rak me 'zo dister a gorf hag ivez a spered,
Dre se 'm eus tamm c'hoant ebet da blijout d'ar baotred.

XV

Merc'hed ha paotred yaouank, pa teuont d'ar pardonioù,
Pa 'vez marc'hadourz (15) ganto 'veont (16) kountant (17) d'o gwerc'hou (18)

XVI

Ho marc'hadourz (15) plac'h yaouank 'zo henvel o hini,
Mar kar dont d'am c'hountanti (19) e frenin diganti.

XVII

Me hoc'h ambrougo d'ar gêr, da di ho mamm, ho tad,
Ha diganto me am bo, marteze va mennad. »

XVIII

Ma hec'h ambrougas d'ar gêr, da di he zad he mamm,
An ti a oa tenvel bras, n'oa na goulou na tan.

XIX

Me a roas daou wenneg dont da gerc'hat goulou
Evit rei d'eomp sklerijenn, d'ober hor marc'hajou.

XX

P'oa elumet (20) ar goulou ha roet ar sklerijenn,
Me a oa bet desped d'in, kaout eur falaenn.

XXI

En eur welout an daou goz a-bep tu d'al ludu
Ar verc'h 'lavaras d'he mamm: « C'houezit an tan diouztu ».

XXII

D'ober eur banne souben pe eur banne kafe.
E oa deut (21) ar paotr yaouank d'he goulenn an noz-se.

XXIII

Hag ar vamm a respontas: « N'eus ket danvez soubenn!
Hag ar bara 'zo re just da rei d'an dislangourien! (22)

XXIV

Pac'h eus degaset ganit eun istrogell 'veldout,
Breman 'c'helli klask da chans, tec'het prim en da rout (23).

XXV

Met an tad oa laouen bras 'vijet graet ar marc'had,
Evit dezan da c'hellout eva eur voutailhad.

XXVI

Neuze me 'roas arc'hont, d' 'ont (24) da gerc'hat kafe
Hag eur podad gwin ardant a oa kerc'het ivez.

XXVII

Neuze me 'roas arc'hant, d' 'ont (24) da gerc'hat kafe
Mar plij ganeoc'h 'oan azeet e-kichen va mestrez.

XXVIII

Met kerkent ma oan azeet me 'santas eur c'houez fall
Hep ma ouien koulskoude da betra en damall.

XXIX

Me 'sonje 'n tu all d'an ti 'oa eul loen o vreina
Met p'am boa bet sonjet mat, gant va mestrez e oa.

XXX

Larit (1) hardiz tud yaouank, me 'm boa mall da guitaat
Ha me 'zeuas ac'hane 'barz 'oa fin d'ar marc'had.

XXXI

P'am boa bet va liberte (26) me oa lakaet kountant (17)
Gwelloc'h e oa ganin koll va fodad gwin ardant.

XXXII

Gwelloc'h eo ganin mil gwech birviken dimezi
'Vit beza ampoezonet gant ar seurt loustoni.

XXXIII

Digant ar seurt loustoni, ken karget a c'houez fall
Ha n'eo ket met da dorchi boutou ar merc'hed all.

XXXIV

N'ouzon ket hag em bo c'hoant biken da zimezi,
'Vit ma 'teufe eur sonj d'in hag e laran (1) hardi:

XXXV

« N'in ket da glask ar vila 'vel 'm eus graet an dro-man,
Eur plac'h koant a renkin kaout, pe chom evel breman.

(1) Lavaret (larout: lavarout). — (2) teuit, zeuin. — (3) faziet. — (4) deiz. —
(5) Pardonioù. — (6) Darempredi. — (7) Dres. — (8) Lavaret. — (9) Moger. — (10)
Unan. — (11) Dremm. — (12) Me. — (13) Ma zigouefe. — (14) Ijin. — (15) Marc'ha-
dourez. — (16) Vezont. — (17) Laouen. — (18) Gwerza. — (19) Dic'hoanta. — (20)
Enaouet. — (21) Deuet. — (22) 1 troad stagadennet. — (23) Hent (gant da hent).
— (24) Da vont. — (25) Festa. — (26) Frankiz. — (27) Laouen.

A paraître prochainement :

UN DISPUD 'TRE YANN HA JANED
KAN BALE AR FALC'HERIEN
ARAOK 'MONT DA SOUDARD
AR BROMESA TAER
AR BROMESA TORRET
AR MINOR YAOUANK
SON AR MILINER
AR C'HOGIG YAOUANK
SON KUPIDON
HERRIED HA CHARLEZ
YANN-LOEIZ HA MARYVONN
AR SERJANT-MAJOR
METIG
DANS AR PODOU FER
PA OAN SEVEL KRAPPENN AR ROZ
AN DEVEZ N'EUR VONT DA BOURMEN
NE BRIZOMP KET EUN TIEGEZ (Kan-bale « fanch »)
DIOU BLAC'H YAOUANK DIWAR AR MAEZ (Kan-bale « fisel »)
TAOLENN AR YAOUANKIZ
ERRU EO AR MOMANT VA MERC'H
LIJER MARI-LIJER
SOAZIG KANFANTENN
VA MAMM 'C'HOULENN GANIN-ME
PERINAIG AR MIGNON
TREMENET EO GOUEL AR ROUANED (Kan-bale)
DIKRIET BRAS OUN D'AM MESTREZ
YANN GOGIG
KIMIAD AR SOUDARD
SOUBENN AL LAEZ
SON AR PRIZONIER 1914
E KER E-KICHEN KOM
N'EO KET 'BARZ TI AN OSTIZ EZ
DIOUZ UNAN ME 'YA DA ZAOU
JE VOUS SUPPLIE MADEMOISELLE
EUS DIMEZI NA GOMZIT KET D'IN
AR MARC'HADOUR BIHAN
ME M'EUS CHOAJET 'VIT MESTREZ

Hag hall...